



# **INLIGTINGSBOEKIE 2022**



**Hoërskool  
MELKBOSSTRAND  
High School**

*Sentrum van  
uitnemendheid  
Centre of excellence*

Tel.: (021) 5530086/5531277

Faks/Fax: (021) 5533016

[admin@hsmelkbos.co.za](mailto:admin@hsmelkbos.co.za)

[finansies@hsmelkbos.co.za](mailto:finansies@hsmelkbos.co.za)

Posbus/Box 311

Melkbosstrand 7437

Otto Du Plessis Rylaan/Drive



Skoolhoof/Headmaster

Mnr./Mr D.J. Ross

[www.melkboshigh.co.za](http://www.melkboshigh.co.za)

*aspirantes ad excellentiam*

18 Oktober 2021

Liewe Ouer

Baie dankie vir u kind se inskrywing vir 2022. U kind is 'n unieke persoon wat 'n spesiale plek in Hoërskool Melkbosstrand vervul. Ons verbind ons daartoe om u kind met respek en deernis op akademiese, kulturele, sosiale en sportgebied te begelei sodat u kind 'n ambassadeur vir sy of haar skool is. Mag u en u kind se verbintenis met die Hoërskool Melkbosstrand mooi herinneringe inhou en burgers kweek wat aan die toekoms van Hoërskool Melkbosstrand en uiteindelik ook die samelewing bou.

U het waarskynlik reeds vrae oor 'n verskeidenheid aangeleenthede en daarom deel ons graag die volgende inligting met u:

1. **SKOOLKWARTAAL 2022**

<b>KWARTAAL</b>	<b>Open</b>	<b>Sluit</b>
<b>EERSTE</b>	19 JANUARIE	25 MAART
<b>TWEEDE</b>	5 APRIL	24 JUNIE
<b>DERDE</b>	19 JULIE	30 SEPTEMBER
<b>VIERDE</b>	11 OKTOBER	14 DESEMBER

Skoolure vir die hele jaar is:

**MAANDAG – DONDERDAG: 08:00 – 14:30**

**VRYDAG: 08:00 – 14:00**

Stiptelikheid van leerders is vir ons 'n hoë prioriteit en ons wil nie hê dat u kind enige onderrigtyd moet verloor nie. Indien u kind van busvervoer gebruikmaak, moet u asseblief toesien dat u kind 'n bus neem wat sal verseker dat hy/sy betyds by die skool is.

## 2. **BUSDIENS**

Die MyCiTi-busdiens is operasioneel tot in Melkbosstrand. Kontak gerus die tolvryenommer 0800 65 64 63 of besoek die webwerf [www.myciti.org.za](http://www.myciti.org.za) vir verdere inligting.

## 3. **SKOOLDRAG**

Ons leerders se voorkoms is ons trots en ons wil baie graag hê dat u ons hierin sal ondersteun deur seker te maak dat u kind in die regte skooldrag op sy/haar eerste skooldag (18 Januarie 2022) geklee is. **Raadpleeg asb. Addendum A vir inligting hieroor.** Skooldrag kan aangekoop word by ARC (**sien Addendum A**). **Maak asb. seker dat u kind se skoolklere en besittings duidelik gemerk is.**

## 4. **SPORTKLERE**

Ons wil u sterk aanmoedig om so spoedig moontlik 'n besoek aan ARC te bring om die skoolbaadjie en die sportrompie/-kortbroek en -hempie aan te skaf. Die sporthempie word nie net vir sport gebruik nie, maar ook vir LO en ander skoolaktiwiteite en is dus verpligtend. Die aankoop van skool se sweetpak is ook verpligtend. Verder, om eenvormigheid te bevorder, is die Hoërskool Melkbosstrand-sportsak verpligtend. Moet asseblief nie ander sportsakke aanskaf nie. Dit word sterk aanbeveel dat die skoolpet aangekoop word.

## 5. **SKOOLSAKKE**

Sorg asseblief dat u kind ook 'n Melkbosstrand Hoërskool-skoolsak aanskaf. Dit is verpligtend vir elke leerder en by ARC beskikbaar. **(Sien Bylaag A)**

## 6. **SKOOLGELDE**

Die begrotingsvergadering vir 2022 het nog nie plaasgevind nie en die skoolgelde vir 2022 word tydens die vergadering gefinaliseer. Wanneer die vergadering wel plaasgevind het en die skoolgelde vir 2022 gefinaliseer is, sal dit onmiddellik gekommunikeer word. Bylae B volg na afhandeling van skoolgeld.

7. **SKRYFBEHOEFTES**

Alle leerders is verantwoordelik vir hulle eie skryfboeke en ander skryfbehoeftes. **Moet asseblief nie 'n huiswerkboek vir u kind aanskaf nie. Elke leerder ontvang 'n huiswerkboekie by die skool.** Addisionele koste verbonde aan die materiaal wat benodig word vir sekere vakke, word ook aangedui (**sien Bylaag C**). Hierdie geld is betaalbaar by die onderskeie vakonderwysers teen 1 Februarie 2022.

8. **HANDBOEKE**

Alle handboeke word deur die Departement van Opvoeding (WKOD) verskaf. Handboeke sal gedurende die oriënteringsprogram (sien punt 13 hieronder) aan die leerders uitgereik word. Elke handboek het 'n unieke strepieskode en sal onder die leerder se naam uitgereik word op die elektroniese stelsel. Alle handboeke moet binne 'n week nadat dit ontvang is, oorgetrek wees en duidelik gemerk wees. Leerders is verantwoordelik daarvoor om die handboeke in 'n goeie toestand te hou gedurende die akademiese jaar. Verlore handboeke sal 'n boete gelykstaande aan die vervangingswaarde van die handboek tot gevolg hê.

9. **KONSESSIES**

Indien u kind tans enige konsessies het wat deur die WKOD goedgekeur is, dui dit asb. aan op die antwoordstrokie in **Bylaag D** en handig dit by die registeronderwyser in teen **20 Januarie 2022**.

## 10. BUISTEMUURSE AKTIWITEITE

Tans bied ons die volgende aan:

<u>KULTUUR</u>	<u>SPORT</u>
Drama	Skaak
Debat	Atletiek
Rotary Interact	Netbal
Eisteddfod	Rugby
Orkes	Krieket (seuns en dogters)
Melkbos Environmental Society (M.E.S)	Sagtebal
Koor	Tennis
Noodhulp	Swem
Skoolkoerant (Die Melkie)	Hokkie (seuns en dogters)
Kunsklub	Toutrek (seuns en dogters)
Gemeenskapsdiens	Landloop
Blokfluit-ensemble	Gholf
	Branderplankry
	Volleyball

Dit is verpligtend vir alle leerders in graad 8 om aan ten minste EEN somersport, EEN wintersport en 'n kultuur aktiwiteit deel te neem. **(Voltooi asb. die deelnamestrokie in Bylaag E.)**

## 11. SPORTHUISE

Al die leerders by die skool word in drie huise, elk met 'n spesifieke naam en kleur, ingedeel. Die indeling word volgens 'n leerder se van gedoen.

<b>HUIS</b>	<b>KLEUR</b>	<b>VAN BEGIN MET</b>
1 Pikkewyne	Geel	A D G K N Q R U V
2 Robbe	Wit	B E H L O S W X Y
3 Haaie	Blou	C F I J M P T Z

## 12. KOMMUNIKASIE

Kontak ons gerus vir verdere inligting.

- Algemene navrae by ontvangs – Mev. J. Botha (021 553 0086; [admin@hsmelkbos.co.za](mailto:admin@hsmelkbos.co.za))
- Finansies – Mev. T. Davis ([finansies@hsmelkbos.co.za](mailto:finansies@hsmelkbos.co.za)); Mev. B. Koen ([finansies2@hsmelkbos.co.za](mailto:finansies2@hsmelkbos.co.za))

)

Die **D6-kommunikeerder** word gebruik om belangrike inligting aan ouers deur te gee. Belangrike datums word ook op die kalender van die D6-kommunikeerder geplaas. Ouers moet dus seker maak dat hulle op die D6-kommunikeerder registreer. Volg asb. die skakel op die skool se webtuiste ([www.melkboshigh.co.za](http://www.melkboshigh.co.za)) vir verdere inligting.

U is steeds welkom om ons te skakel indien u nog vrae het. Ons glo u is net so opgewonde soos ons om u en u kind deel van ons skoolgemeenskap te maak.

Vriendelike groete.

Die uwe

A handwritten signature in black ink, appearing to read 'D.J. Ross', with a horizontal line underneath.

Mnr. D.J. Ross  
SKOOLHOOF

## Bylaag A



**Hoërskool  
MELKBOSSTRAND  
High School**

*Sentrum van  
uitnemendheid  
Centre of excellence*

Tel.: (021) 5530086/5531277

Faks/Fax: (021) 5533016

[admin@hsmelkbos.co.za](mailto:admin@hsmelkbos.co.za)

[finansies@hsmelkbos.co.za](mailto:finansies@hsmelkbos.co.za)

Posbus/Box 311

Melkbosstrand 7437

Otto Du Plessis Rylaan/Drive



Skoolhoof/Headmaster

Mnr./Mr D.J. Ross

[www.melkboshigh.co.za](http://www.melkboshigh.co.za)

*aspirantes ad excellentiam*

### **ALGEMENE VOORKOMS EN SKOOLUNIFORM**

(\*n Uittreksel uit die Gedragskode van die Hoërskool Melkbosstrand.)

#### **1. Hare, naels en juweliersware**

##### **1.1 Seuns**

- Hare moet geleidelik korter na onder gesny word – nie baie lank op die kop en baie kort langs die kante nie; dus geen skerp verandering in lengte nie.
- Geen patrone, lyne of kepe mag ingesny word of enige uitspattige haarstyle gedra word nie.
- Indien die kuif reguit vorentoe gekam word, moet die hare twee vingers bokant die wenkbroue wees.
- Geen poniesterte word toegelaat nie.
- Hare mag nie oor die ore hang of agter aan die kraag raak nie.
- Hare moet skoon en netjies gedra word.
- Hare mag nie gekleur word nie.
- Bakkebaarde (“sideburns”) mag nie langer as die middel van die oor wees nie.
- Hare mag in reguit vlegsels gevleg word, mits die los ente nie langer as 1 cm is nie.
- Elke seun se hare sal individueel beoordeel word.
- Indien ‘n seun se hare nie korrek is nie, moet dit binne 24 uur reggestel word. Sou ‘n tweede waarskuwing nodig wees, sal die ouer/voog gekontak word met die versoek om dit onmiddellik reg te stel.
- Seuns moet elke dag skoon geskeer wees. Indien daar ‘n probleem is, moet die ouer/voog die Graadhoof inlig.
- Naels moet kort en skoon gehou word.
- Net ‘n polshorlosie en/of ‘n amptelike mediese armband word toegelaat.
- Geen ringe, hangertjies, armbande of oorbelle is toelaatbaar nie.
- Geen tongringe, neusringe of enige ander sigbare deurborings of “studs” of sigbare tatoeëerings mag saam met skooldrag gedra word nie.

##### **1.2 Dogters**

- Slegs effekleurige swart, bruin, donkerblou, silwer of wit knippies mag gebruik word om hare vas te steek.
- Slegs effekleurige swart, donkerblou of wit haarbande mag gedra word.
- Slegs effekleurige swart, donkerblou, of wit haarlinte mag gedra word.
- Slegs effekleurige swart, bruin, donkerblou, silwer, deurskynende of wit haarbykomstighede mag gedra word.
- Lang hare, ook klein vlegseltjies (indien dit aan die kraag raak of langer is) moet vasgebind word.
- Hare mag nie in onnatuurlike kleure gekleur word nie.
- Geen onnatuurlike haarstyle mag gedra word nie.
- Haarverlengstukke moet dieselfde kleur as die res van die hare wees.
- Hare moet te alle tye skoon en netjies wees.
- Geen grimering word toegelaat nie.
- Naels moet kort wees en slegs kleurlose naellak word toegelaat. (Geen gel, akriel of “French tips” nie.)

- Net 'n polshorlosie, amptelike mediese armband of 'n seëling word toegelaat.
- Net een paar “studs” of ringetjies in silwer of goud, 5 mm in deursnee, in die onderste gaatjie van die oorlel word toegelaat.
- Geen ekstra ooringe mag gedra word of met pleisters toegeplak word nie.
- Geen tongringe, neusringe, wenkbrouinge of ander sigbare deurborings (“piercings”) of sigbare tatoeëerings mag saam met skooldrag gedra word nie.

## 2. Skooluniform

### 2.1 Seuns

#### Somersdrag

- 'n grys langbroek of kortbroek (swart belt)
- 'n blou kortmouhemp (ALTYD INGESTEEK)
- vir saalperiodes is 'n blou skoolbaadjie, hems kraag oor die baadjiekraag, VERPLIGTEND
- lang grys skoolsokkies, GEEN wit of gekleurde sokkies nie
- swart leerskoene met veters

#### Wintersdrag

- 'n grys langbroek of kortbroek (swart belt)
- 'n blou langmouhemp (ALTYD INGESTEEK), met 'n daskraag
- 'n blou skoolbaadjie en das
- donkerblou skooltrui of kortmou oortrektrui (opsioneel)
- GEEN sweetpakbaadjies onder skoolbaadjies nie
- SLEGS swart of donkerblou effekleurige serpe, GEEN wolmusse nie
- lang grys skoolsokkies, GEEN wit of gekleurde sokkies nie
- swart leerskoene

### 2.2 Dogters

#### Somersdrag

- 'n blou kortmou skoolbloes – hang oor rompie, nie ingesteek nie
- 'n blou geruite skoolrump (lengte vier vingers bokant die knie, NIE opgerol nie)
- die skool se donkerblou langbroek is aanvaarbaar
- vir saalperiodes is 'n blou skoolbaadjie, hems kraag oor die baadjiekraag, VERPLIGTEND
- kort wit sokkies, omgevou
- swart leerskoene

#### Wintersdrag

- 'n blou langmouhemp (ALTYD INGESTEEK), met 'n daskraag
- 'n blou skoolbaadjie en das
- donkerblou skooltrui of kortmou oortrektrui (opsioneel)
- GEEN sweetpakbaadjies onder skoolbaadjies nie
- SLEGS swart of donkerblou effekleurige serpe, GEEN wolmusse nie
- lang swart sykouse, sonder patrone, geen sokkies onder die kouse nie
- 'n blou geruite skoolrump (lengte vier vingers bokant die knie, NIE opgerol nie)
- die skool se donkerblou langbroek is aanvaarbaar
- swart leerskoene



# ARC

## SPORTSWEAR

Manufacturers of Ladies  
Golf / Tennis / Bowls Wear  
and School Uniforms

Cnr Mansell / Scheckter Roads  
Killarney Gardens


SHOP: Tel/Fax: 021 556-7265  
E-mail address: [shop@arcsportswear.co.za](mailto:shop@arcsportswear.co.za)

MELKBOSSTRAND HIGH SCHOOL

SEPTEMBER 2021

ATTENTION: NEW LEARNERS - 2022  
UNIFORM REQUIREMENTS

1. Blazer
2. Pullover (long sleeve)
3. Slipover (sleeveless)
4. Summer sky blue shirt (short sleeve)
5. Pleated check skirt (girls)
6. Sport shirts (house)
7. Sport skort (girls)
8. Sport shorts (boys)
9. sport socks
10. Track suit
11. Tie (for winter)
12. Sky blue shirt (long sleeve for winter)
13. Satchel
14. Tog bag



Girl's white ankle socks, boys grey long socks, and boys grey trousers are available from Major Retailers. Stock for 2022 learners will be available from 1 December 2021 at ARC Sportswear, the uniform shop. Please phone 021 556 7265 or e-mail us at [shop@arcsportswear](mailto:shop@arcsportswear) to make an appointment for fitting the uniform in November and December.

**No appointments in January.**

**SHOP HOURS:** Mon - Thurs 8.30am - 4.00pm  
Friday 8.30am - 2.30pm  
Saturday 9.00am - 12.00pm

**SHOP CLOSED:** During the festive season:  
Close: Wednesday 15 December 2021  
Re – open: Saturday 8 January 2022

**PAYMENT** Cash / Debit card / Visa or MasterCard  
No cheques / American Express or Diners Club accepted.

**PLEASE COME EARLY TO AVOID THE RUSH IN JANUARY 2022!!!!**

Any queries please contact us on 021 556 7265.

Regards

Nadia or Glenda or Na-eemah

Member: A.R.Batt

Vat No.: 4020188019

## Bylaag D

### Konsessie Antwoordstrokie

Dui asb. enige WKOD-goedgekeurde konsessies aan deur die toepaslike blokkie te merk en stuur die strokie terug teen **20 Januarie 2022**.

Aparte lokaal	
Ekstra tyd	
Skribeerder	
Leser	
Spelling	
Groter skrif	

Naam van leerder .....

Handtekening van ouer/voog

.....

Datum:

.....

## Bylaag E

### Melkbosstrand Buitemuurse Deelnamestrokie

Die Hoërskool Melkbosstrand strewende na 'n holistiese ontwikkeling van leerders . Ten einde ons in staat te stel om ons fasiliteite en programme voor te berei, sal ons graag wil weet aan watter aktiwiteite u kind gaan deelneem.

Merk asb. die toepaslike blokkies en stuur die strokie terug teen 20 Januarie 2022.

<u>KULTUUR</u>	<u>SPORT</u>
Drama	Skaak
Debat	Atletiek
Rotary Interact	Netbal
Eisteddfod	Rugby
Orkes	Krieket (seuns en dogters)
Melkbos Environmental Society (M.E.S)	Sagtebal
Koor	Tennis
Noodhulp	Swem
Skoolkoerant (Die Melkie)	Hokkie (seuns en dogters)
Kunsklub	Toutrek (seuns en dogters)
Gemeenskapsdiens	Landloop
Blokfluit-ensemble	Gholf
	Branderplankry
	Volleyball

Ek (naam en van)..... , ouer van  
(naam en van van leerder) ..... bevestig dat my kind die oefensessies van die bogenoemde aktiwiteite sal bywoon.

Handtekening van Ouer/Voog

Handtekening van Leerder

Datum:

.....

.....

.....

## Bylaag G



### Studiewenke

---

1. Maak seker dat daar STILTE, 'n goeie LIG en genoeg LUG is waar jy studeer.
2. Kies die regte soort MUSIEK (bv. sagte klassieke Barok) om jou brein te help om te konsentreer. Moenie na jou gunstelingmusiek luister wanneer jy studeer nie, want dit sal jou aandag aftrek.
3. Rig vir jouself 'n permanente STUDEERPLEK in; jou bed is nie NIE 'n goeie idee nie. Die brein maak vinnig assosiasies en as jou studeerplek altyd dieselfde is, help dit om jou gedagtes daarop in te stel dat jy gaan studeer.
4. ORGANISEER jou studieplek sodat jy presies weet waar jou handboek, werkboek, notas, skryfgoed en papier is wanneer jy dit nodig kry.
5. Plak jou TOETS-/EKSAMEN-/STUDIEROOSTERS teen die muur in jou studeerplek. Merk die betrokke datums behoorlik.
6. Stel TEIKENS vir elke toets. Gebruik 5% intervalle hiervoor – bv. ek wil tussen 50% en 55 % vir hierdie vraestel behaal. LW. volgens die skool se akademiese teikens moet jy ten minste 50% vir 'n toets of eksamen behaal. Sit jou doelwitte in jou kamer op waar jy dit voortdurend kan sien terwyl jy studeer.
7. Gebruik PEN EN PAPIER, verkieslik verskillende kleure, terwyl jy studeer, dit bevorder jou konsentrasie en assosiasie en maak dit makliker om feite te onthou.
8. BAKEN die werk AF wat jy moet leer vir 'n toets of eksamen.
9. Kry eers 'n OORSIG van die werk wat jy moet bestudeer voordat jy GEHEUEKAARTE (*mind maps*) en/of opsommings maak.
10. Gebruik KLEURE en ILLUSTRASIES – jou brein onthou dit makliker as net teks/woorde.
11. Deel HOOFSTUKKE in kleiner dele op wat jy dan stuksgewys leer.
12. HERSIEN 'n gedeelte sodra dit afgehandel is om jou geheue te bevorder.
13. Leer werk VRAAGSGEWYS – kyk watter vrae al oor die onderwerp gevra is in vorige vraestelle. Jou onderwyser kan jou hiermee help. Kyk watter gedeeltes deur kortvrae, bespreek-/langvrae of met data-responsvrae getoets word.

14. MERK die gedeeltes waarmee jy sukkel en maak seker dat jy weer daardeur werk voor die toets of eksamen. Praat ook betyds met jou onderwyser oor die dele wat jy nie verstaan nie voordat jy die toets of eksamen moet skryf.
15. HERHAAL feite hardop – skryf moeilike woorde meer as een keer uit; maak rympies; gebruik prentjies; gebruik goeie en gepaste voorbeelde om begrippe te verduidelik.
16. Vir wiskunde en wetenskappe moet jy jou TEORIE en STELLINGS en FORMULES baie goed ken. Onthou jy leer wiskunde en rekeningkunde deur te DOEN. Werk deur al jou huiswerk oefeninge.
17. Gebruik die regte TERMINOLOGIE wanneer jy 'n spesifieke vak leer soos dit in die handboek aangedui word. Werk ook deur die voorbeelde in die handboek.
18. Jy moet BETYDS begin leer (soos die komende naweek al vir volgende week se toetse) sodat jy genoeg tyd het om deur al die werk te gaan en dit te memoriseer.
19. Jy behoort 'n MINIMUM van SES UUR vir elke toets te studeer. Beplan jou HERSIENING dus baie deeglik. Herhaling versterk jou geheue.
20. STUDIESESSIES behoort tussen 30 en 40 minute te duur. RUS vir 5 minute en doen iets anders. Begin dan weer. Rus vir 10 minute na elke twee sessies.
21. Werk deur VORIGE VRAESTELLE en kyk veral na die VRAAGSTELLING, PUNTETOEKENNING en TYDSINDELING.
22. Maak seker dat jy die INSTRUKSIES op toets- en eksamenvraestelle goed verstaan. Maak seker van die vraagkeuses en watter afdelings verpligtend in die vraestel is.
23. Leer om jouself KALM te hou voordat jy 'n toets of eksamen skryf – dit help om jou om die werk beter te onthou.
24. Neem genoeg VLOEISTOF in en eet vars KOS terwyl jy studeer – loop lig vir energiedrankies en snoephappies wat te veel suiker en stimulant bevat, dit kan jou angstig maak en selfs uitgeput laat voel.
25. Gebruik jou EIE persoonlike STYL as jy leer en maak jou eie notas en opsommings wat jy die beste verstaan.

